

Inatsisartut Suleriaasianni § 33 naapertorlugu Naalakkersuisut matumuuna aalajangiiffigisassasut siunnersuut manna saqqummiuppaat:

Aningaasanik peqquserluutinik malunnarunnaarsaaneq pillugu inatsimmik, aningaasalersuineq pillugu inatsimmik aamma inatsisinik assigiinngitsunik allanik allanngueq pillugu inatsimmi § 1-imik Kalaallit Nunaannut atuutilersitsineq pillugu peqqussutissatut siunnersuut (peqquserlunnikkut aningaasalersuinnermut akiuniarnermik sukaterineq aamma aningaasanik peqquserluutinik malunnarunnaarsaaneq pillugu malitassiat sisamaata (4.) aamma tallimaata (5.) naammassineqarnerannik) (Aningaasaqarnermut Naligiissitaanermullu Naalakkersuisoq)

Tunnjavilersuut

Aningaasanik peqquserluutinik malunnarunnaarsaasarnermik pinerliiniarnernillu aningaasalersuisarnerup pinaveersimatinneqarnissaannik iliuusissat pillugit inatsisit ilaat annertuut nunani tamani malittarisassanik toqqammaveqarput, tassani ingammik EU-mi malittarisassanik.

Aningaasanik peqquserluutinik malunnarunnaarsaasarneq pinerliiniarnernillu aningaasalersuisarneq pinaveersimatinniarlugit iliuuserisassat pillugit inatsisip nutarterneranut peqqussutissatut missingiummi, Kunngip peqqussutaatigut Kalaallit Nunaannut atortussanngortinneqareersumut tamanna siunertaavoq. Peqqussutikkut danskit allannguutitut inatsisaat, aningaasanik malunaarunnaarsaasarneq pillugu peqqussutip sisamaata¹ tallimaatalu² malitsigisaannik, aningaasanik peqquserluutinik malunnarunnaarsaasarneq pillugu inatsimmi allannguutinik imaqartoq Kalaallit Nunaanni atortussanngortinneqarpoq. Kalaallit Nunaanni inatsit, Kalaallit Nunaanni pissutsit malillugit aningaasanik malunaarunnaarsaasarneq pillugu peqqussutip tallimaanut naapertuuttunngorsarlugu nutarternissaa aalajangiiffigisassatut siunnersuummi siunertaavoq.

Inatsisartut UKA2021/154-mik suliarinninneranni L 553³ tunnjavissaatillugu aningaasanik malunaarunnaarsaasarneq pillugu inatsit peqqussutsikkut atortussanngortinneqarpoq⁴.

L 553-lli atorunnaarsinneqarnera tamatumani ajornartorsiutaavoq, taamaammallu Danmarkimi atortussanngortinneqarnani, taarsiulluguli aalajangersakkat danskit inatsisisaatigut allakkut (L1563⁵) atortuulserseqqinneqarput. Inatsisilerinnermi teknikikkut kukkusoqarnera pissutigalugu

¹ Aningaasalersuisarnermik aqqissuussinerup aningaasanik malunnarunnaarsaanermut imaluunniit pinerliinianik aningaasalersuinnermut atorneqartarnera pinaveersaartinniarlugit Europa-Parlamentip Rådillu peqqussutaat (EU) 2015/849, 20. maj 2015-meersoq, Europa-Parlamentip Rådillu peqqussutaanik (EU) nr. 648/2012-mik allanngueq aamma Europa-Parlamentip Rådillu peqqussutaanik 2005/60/EF atorunnaarsitsineq kiisalu Kommissionip peqqussutaa 2006/70/EF

² Aningaasalersuisarnermik aqqissuussinerup aningaasanik malunnarunnaarsaanermut imaluunniit pinerliinianik aningaasalersuinnermut atorneqartarnera pinaveersaartinniarlugit Europa-Parlamentip Rådillu peqqussutaat (EU) 2015/849 aamma peqqussutip 2009/138/EF aamma 2013/36/EU allanngortinneqarnerat pillugu Europa-Parlamentip Rådillu peqqussutaat (EU) 2018/843, 30. maj 2018-meersoq

³ Inatsit nr. 553, 7. maj 2019-meersoq

⁴ Peqqussut nr. 2627

⁵ Inatsit nr. 1563, 27. december 2019-meersoq

aalajangersakkat maanna aningaasanik peqquserluutinik malunnarunnaarsaasarneq pinerliiniarnernillu peqqussut maanna atuuttoq inatsisitut atuuffeqanngillat, peqqussummi L 1563-mik tunngaveqarnani L 553-nik tunngaveqarpoq. Taamaalilluni kukkuneq Kalaallit Nunaanniinngitsoq, Danmarkimili inatsisilerinermi teknikikkut kukkusogarnernik toqqammaveqarpoq, tamannali Kalaallit Nunaanni pinaveersimatinneqarsinnaasimangilaq.

Kukkuneq taanna aaqqinniarlugu aalajangersakkat nutaamik L 1563-mik inatsisitigit toqqammavilerlugit peqqussusiornissaq pisariaqarpoq. Aalajangersakkat siusinnerusukkut Kalaallit Nunaannut atortussanngortinneqartut tassaapput §§ 30 a (atortorissaarutinik qitiusunik namminerisamik ingerlasut pillugit aalajangersakkanik erseqqinnerusumik aalajangersaanissamik piginnaatitsissut), 31a aamma 31b (ingerlatsivinnik pigisanik, immikkoortunik sinniisoqarfittulluunniit allaffinnik pilersitsineq) kiisalu kapitali 10a tamakkerlugu (unammilleqatigiinneq killilerniarlugu peqatigiit inatsisitigulluunniit aaqqissuussat assingusut).

Nunanit tamalaani assigiissakkat piffissaq eqqorlugu atuutilersinneqannginnerat kukkunerup nassataraa, tamannalu OECD-p Global Forum on Transparency and Exchange of Information for Tax Purposesiata peer review-iliaannut, novembarimi pisumi tikkuarsinnaavaat. Peqqussusioqqinnikkut tamatuma aallartinneqareernerata naasuaatigineqareenera pissutigalugu sakkortuumik isornartorsiuinissaq ilimanangilaq.

Kukkuneq aningaasanik peqquserluutinik malunnarunnaarsaasarneq pillugu peqqussutaasimasumik (L 553) kukkusumik tunngavissisoqarnernik patsiseqarpoq, L 553-mi L 1563-kkut atorunnaarsinneqarpoq inatsimmilu tassani atulerseqqinneqarluni, taamaamallu inatsisinut allannguutit peqqussutsikkut atortullersinneqarnatik, Kalaallit Nunaannut toqqaannartumik atortussanngortinneqarsimasuuppata, kukkuneq pinngitsoortinneqarsimasinnaagaluarpoq.

Siunnersuutip imarisai nutaat tassaapput aalajangersakkat nutaat L 1563 malitsigisaanik pilersut, siusinnerusukkullu atortuulersinneqarsimangitsut.

Siunnersuutip pingaarnertut imarisaa

Peqqussutsikkut ilaatigit nutaamik aalajangersagaq, aningaasanik malunnarunnaarsaanermi inatsimmi § 31 a-kkut ilanngunneqarpoq, kingunerisaanillu oqartussaasut nakkutilliisussaataitasut, aningaasanik malunnarunnaarsaanermik inatsimmik nakkutilliisut suliffeqarfiit inuilluunniit Europa-Kommissionip nunatut annertuumik aarlerinaatilittut allattorsimaffianniittut suliffeqarfinnik pigisaminnik, immikkoortunik sinniisoqarfittulluunniit allaffinnik pilersitsinissamut itigartitsisinnaanermut toqqammivissaqalersinneqarput.

Aalajangersakkakkut aningaasanik malunnarunnaarsaasarnermi peqqusutit tallimaanni nunanut allanut annertuumik aarlerinaatilinnut tunngatillugu ataatsimik arlalinniilluunniit iliuusissanik qulakkeerinnittunik maleruagassanik aalajangersaasoqarnissaannik piumasaqaat naammassineqarpoq. Aalajangersagaq taanna atortuulersinneqareerpoq, inatsisilerinermilu

teknikkut kukkusoqarnerani taaneqareersoq patsisigalugu aalajangiiffigisassatut siunnersuummi ilaalluni.

Aningaasanik malunnarunnaarsaasarnermi inatsimmi § 31b-mi suliffeqarfiit inuilluunniit aningaasanik malunnarunnaarsaasarnermik inatsimmut ilaasut, nunani Europa-Kommissionip nunatut annertuumik aarlerinaatilittut allattorsimaffiani allassimasumi immikkoortortamik sinniisoqarfittulluunniit allaffimmik pilersitsinissamik kissaateqartillutik nalunaartussaataaeranut ilaatinneqalerput. Suliffeqarfiup inuilluunniit nunami annertuumik aarlerinaatilimmi immikkoortortamik sinniisoqarfittulluunniit allaffimmik pilersitsinissamik kissaateqarnerminni nakkutilliisutut oqartussaasunut naapertuuttunut ilisimatitsisussaanerat tamatuma nassataraa. Aalajangersagaq taanna atortuulersinneqareerpoq, inatsilerinermilu teknikkut kukkusoqarnerani taaneqareersoq patsisigalugu aalajangiiffigisassatut siunnersuummi ilaalluni.

Taamattaq kapitali 10a-mik unammilleqatigiinneq killilerniarlugu peqatigiinnik assigisaannillu inatsisitigut aaqqissuussanik tunngasumik ilanngussisoqarpoq. Aningaasanik malunnarunnaarsaasarneq pillugu inatsimmi kapitali 10a-mi malittarisassat nutaat ilaatigut ingerlatsisoq inuilluunniit assingusumik atuuffeqartoq piginnittuiit pillugit paasissutissanik passussinermut atatillugu assigiinngitsunik pisussaaffiliipput. Ingerlatsisoq ilaatigut piginnittuiit pillugit paasissutissanik pissarsiniartassaaq, ukiumoortumillu paasissutissanik nutarterisassalluni kiisalu allanguutinik Erhvervsstyrelsimut nalunaarutiginnittassalluni.

Taamattaq aqutsisoq piginnittuiit pillugit paasissutissanik ukiuni tallimani toqqorsimatitsinissamut pisussaaffilerneqarlunilu taakku Kalaallit Nunaanni Aningaasanik malunnarunnaarsaasarneq pillugu allattoqarfimmunt oqartussanulluunniit attuumassuteqartunut allanut, paasissutissanik oqartussat nakkutilliinermik alaatsinaanermillu suliaqarnerannut pingaaruteqartunik tunniussisassaaq. Aalajangersagaq taanna atortuulersinneqareerpoq, inatsilerinermilu teknikkut kukkusoqarnerani taaneqareersoq patsisigalugu aalajangiiffigisassatut siunnersuummi ilaalluni.

Peqqussutikkuttaaq aamma § 49, suliffeqarfiit aningaasalersuineramik ingerlatsisut pissutsinik Finanstilsynip aningaasanik malunnarunnaarsaasarneq pillugu inatsit malillugu, suliffeqarfimmik nakkutilliineranut annertuumik pingaaruteqartunik piaarnerpaamik Finanstilsynimut nalunaaruteqartussaataalerput.

Taamattaq suliffeqarfiit kingorna paasissutissat eqqortuusimannginnerannik eqqortuunnginnerannilluunniit paasisaqartillutik Finanstilsynimut paasissutissanik piaarnerpaamik naqqissuteqartarnissamut pisussaaffilerneqarput. Pisussaaffimmik tassannga eqqortitsinnginneq akiliisitsinermik pillaatissinneqartassaaq.

Taamattaq Finanstilsyni suliffeqarfinnut inunnullu suliffeqarfiutertik pillugu Finanstilsynip suliffeqarfinnik inunnullu pisussaaffeqartunik aarlerinaatinik nalilersuineranut atorneqartussanik paasissutissanik nalunaarutiginninnissamik pisussaaffiliisumik, malittarisassanik aalajangersaasinnaanermut periarfissinneqarpoq.

Peqqussummi § 51b naapertorlugu Finanstilsyni pisut ilaanni aningaasanik malunnarunnaarsaasarnermut inatsimmik, malittarisassanilluunniit taanna naapertorlugu atuutilersinneqartunik sakkortuumik unioqqutitsisoqarsimaneranik paasisaqarnerup kingorna, suliffeqarfiup inuulluunniit sullitanik nutaanik sullissilinninnissamik Finanstilsynip suliffeqarfimmik peqqusisnaalerpoq. Unioqqutitsinerit suliffeqarfiup nunami allami immikkoortuanit tamakkiisumik ilaannakortumilluunniit unioqqutitsineruppata, peqqusineq immikkoortumik ilaatitsilertumik annertusineqarsinnaavoq. Suliffeqarfik inulluunniit Finanstilsynimut unioqqutitsinerup unitsineqarneranik uppersaappat peqqusineq atorunnaassaaq.

Taamattaq peqqussutsikkut aningaasanik malunnarunnaarsaasarnermi inatsimmi aalajangersakkamik nutaamik § 78a, imm. 1-mik ilanngussisoqarpoq, tamatumalu kingorna Finanstilsyni inuit inatsisillu isaanni inuit, aningaasanik malunnarunnaarsaasarnermi inatsimmi aalajangersakkatut allattorsimasuni aalajangersimasunik, unioqqutitsinerup akiligassamit sakkortunerusumik pineqaatissiinermik nassataqarsinnaaneraniq naliliinermi, unioqqutitsisullu unioqqutitsisimanermik nassuerutiginninnerani, piffissamilu aalajangersimasumi akiligassiisummi aningaasanik taaneqartunik akiliinissamut piareersimalluni nalunaartumut, akiligassiisinnaaneraniq periarfissinneqarpoq.

Taakku saniatigut peqqussut teknikimut tunnganerusunik allannguutinik arlalinnik imarlunilu nunatsinni pissutsinut nalimmassaanernik arlalinnik imaqarpoq. Allannguutinut nunatsinnilu pissutsinut nalimmassaanernut ataasiakkaanut tunngatillugu peqqussut, tassangalu eqikkaaneq innersuunneqarput.

Pisortanut aningaasaqarnikkut kinguneqaatit

Siunnersuut taasarialinnik pisortanut aningaasatigut kinguneqaateqassangatinneqanngilaq.

Namminersorlutik inuussutissarsiortunut, innuttaasunut il.il. aningaasaqarnikkut allaffissornikkullu kinguneqaatit

Peqqussut suliffeqarfimmut inunnullu ilaatinneqartut peqqussummi allannguutit tunuliaqutaralugit ingerlatsinerminnik suliffeqarfimmilluunniit aqqissuunneqarneranik allannguisariaqartunut allaffissornikkut aningaasaqarnikkullu annikinnerusumik kinguneqaateqassaaq. Aningaasartuutit taakku annikitsuinnaanissaat tagginneqarpoq.

Peqqussutikkut Finanstilsyni sullitanik nutaanik tigussisoqarsinnaaneraniq unitsitsigallarsinnaanermik periarfissinneqarpoq. Tamanna soorunalumi suliffeqarfimmut taamatut peqquneqartumut allaffissornikkut aningaasatigullu kinguneqaateqassaaq. Tamannali aatsaat suiffeqarfiup aningaasanik malunnarunnaarsaasarnermik inatsimmik sakkortuumik unioqqutitsinerimut pisuussuteqarnerani pissaq, soorlu assersuutigalugu inatsimmi sullitanik ilisarissimanninissaq pillugu piumasqaatinik malinninngitsoornikkut.

Siunnersuut innuttaasunut aningaasatigut kinguneqaateqassangatinneqanngilaq.

Tusarniaaneq

Peqqussut piffissami 09.01.2023-mit 07.02.2023-mut tusarniaaffinnut aalajangersimasunut tusarniaassutaavoq, tamatumalu saniatigut tusarniaanermik nittarsaavimmi www.naalakkersuisut.gl tamanut takusassiarineqarluni.

Ilanngussat

1. Tusarniaanermik allakkiaq – Aningaasarsianik malunnarunnaarsaasarneq pillugu inatsimmik allanngueq pillugu inatsimmi § 1-imik, anin-gaasalersuineramik ingerlataqarneq pillugu inatsimmik aamma inatsisinik assigiinn-gitsunik allanik (peqquserlulluni aningaasalersuineranut suliniutinik sukaterineq aamma aningaasarsianik malunnarunnaarsaasarneq pillugu malittarisassiat sisamaannik aamma tallimaannik naammassinninneq) Kalaallit Nunaannut atuutilersitsineq pillugu peqqussut
2. Aningaasanik peqquserluutinik malunnarunnaarsaasarneq pillugu inatsimmik, aningasalersuisarneq pillugu inatsimmik aamma inatsisinik assigiinn-gitsunik allanik allanngueq pillugu inatsimmi § 1-mik Kalaallit Nunaanni atortuulersitsineq pillugu peqqussutissatut siunnersuut (peqquserlunnikkut aningaasalersuineranut akiuiniarnermik sukaterineq aamma aningaasanik peqquserluutinik malunnarunnaarsaaneq pillugu malitassiat sisamaata aamma tallimaata naammassineqarnerat)
3. Aningaasanik peqquserluutinik malunnarunnaarsaaneq pillugu inatsimmik, aningaasalersuineq pillugu inatsimmik aamma inatsisinik assigiinn-gitsunik allanik allanngueq pillugu inatsimmi § 1-imik Kalaallit Nunaannut atuutilersitsineq pillugu peqqussummik (peqquserlunnikkut aningaasalersuineranut akiuiniarnermik sukaterineq aamma aningaasanik peqquserluutinik malunnarunnaarsaaneq pillugu malitassiat sisamaata aamma tallimaata naammassineqarnerannik) eqikkaaneq, inatsit nr. 1563 27. december 2019 tunngavigalugu (nutartigaq)
4. Aningaasarsianik malunnarunnaarsaaneq pillugu inatsisip aamma suliffeqarfiit aningaasarsiornermik ingerlataqartut pillugit inatsisip allanngortinneqarnissaannut inatsimmi § 1-ip Kalaallit Nunaannut atuutilersinneqarnissaanut peqqussutip eqikkarnera (Aningaasarsianik malunnarunnaarsaaneq pillugu malitassiat sisamaata aamma tallimaata naammassineqarnera), inatsit nr. 553 7. maj 2019 tunngavigalugu (pisoqalisoq)